



龍 洲 集

劉 過 撰

本館據函海本排
印初編各叢書僅
有此本

龍洲集卷一

宋 劉 過 撰

歌行

襄陽歌

十年着腳走四方。胡不歸來兮襄陽。襄陽真是用武國。上下吳蜀天中央。銅鞮坊裏弓作市。八邑田熟麥當糧。一條路入秦隴去。落日彷彿見太行。土風沉渾士奇傑。烏烏酒後歌聲發。歌曰。人定兮勝天。半壁久無胡日月。買劍傾家賞市馬。托生死科舉非不好。行都兮萬里。人言邊人盡蠶材。臥龍高臥不肯來。杜甫詩成米芾寫。二三子亦英雄哉。

多景樓醉歌

君不見七十二子從夫子。儒雅強半魯國士。二十八將佐中興。英雄多是樊陽人。丈夫生有四方志。東欲入海西入秦。安能齷齪守一隅。白頭章句浙與閩。醉游太白呼峨岷。奇才劍客結楚荆。不隨舉子紙上學。六韜不學腐儒穿鑿註。五經天長路遠何時到。側身望兮涕沾巾。

紅酒歌

桃花爲麴杏爲蘖。酒醞仙方得新法。大槽迸裂猩血流。小槽夜雨眞珠滴。峴山之北古襄陽。春風爛熳花草香。乘輅誰爲部使者。金閨通籍尙書郎。兒樣愛民眞父母。十萬人家感恩厚。鵝兒不酌宜城黃。流霞造此江南酒。輪蹄日日生樂同。琥珀漱醴琉璃鐘。珊瑚枝下貴公子。人面日色相爭紅。欄干十二開簾幕。腰鼓轟雷奏僊樂。翠翹金鳳大堤倡。玉纖捧勸羅衣薄。人生百歲能幾何。海棠花開春較多。有貂可解換一斗。醉到天曉待作麼。

瓜洲歌

今年城保寨。明年城瓜洲。寇來不能禦。賊去欲自囚。偉哉淮南鎮。禹貢之揚州。念昔襄爾虜。馬箠輕江流。翠華離金陵。人有李郭不幸被帳下兒。一箭斃其酋。帝昶有遺臭。鮮血粘髑髏。敗軍慘無主。蛇豕散莫收。勢當截歸路。盡與俘馘休。甲兵洗黃河。境土盡白溝。天子棄不取。區區乃人謀。金帛輸東南。禮事昆夸優。參差女墻月。深夜照敵樓。泊船運河口。頗爲執事羞。

肝胎行

車徐行馬後馳。天寒遊子來肝胎。功名邂逅未可知。生身畢竟要何爲。旣不起。草黃金閨又不侍。宴白玉。擗何不夜投。將軍飛勸上。征伐鞭四夷。滄海可填山。可移男兒志。氣當如斯安。能生死困毛。錐八韻作賦。五字詩金牌。郎君黃頭兒。有眼不忍重。見之志大才。疏浩無期逢。人舉似人笑。嬉謂爲癡人。未必癡喚作。奇士何能奇。

從軍樂

芙蓉寶劍鸚鵡刀。黃金絡馬花盤袍。臂弓腰矢出門去。百戰未怕臯蘭塵。酒酣縱獵自足快。詩成橫槊人稱豪。但期處死得其所。一死政自輕鴻毛。將軍三箭定天山。丞相五月入不毛。生前封侯死廟食。雲臺突兀秋山高。書生如魚蠹書冊。辛苦雕篆真徒勞。兒時鼓篋走京國。漸老一第猶未叨。自嗟賦命如紙薄。始信從軍古云樂。

登昇元閣故基

腳力倦矣盍少休。侵晨更作昇元遊。眼中已不見二百四十尺突兀之高樓。但見炊煙萬竈宿貔貅。上有啼鴉噪鵲。如泣訴。下有藤蔓老樹根。據枝相糾。相其結締初。匠石巧與造物侔。桷椽枅拱不知幾大木。一本牽挽回萬牛。山川退聽左右受約束。日月烏兔早暮東西流。阿房之旗蠹立矮如戟。臨春結綺望仙三閣俱下頭。盃盤塊培塿而已矣。蹄涔洞庭芥爲舟。拄撐霄漢彈壓大千界。下歷梁唐秦隋晉漢周。一朝世故有翻覆。禍結祝融回祿與鬱攸。灰飛障天烟焰熾。一火三月爛不收。遂使觚稜化草莽。丹雘成墟邱。吾聞至人侈儉初。何心有茅一把蓋。頭便可留。何必窮極土木事。妖怪腴削赤子膏。血斂以哀。是故子劉子不僊。不佛亦不侯。視鸞臺鳳閣爲蘧廬。百萬買宅亦夢幻。泡影漚。江西豈無家。白沙翠竹泉石幽。茅簷曝日搔背癢。籬缺牆破手葺修。爭如以天地爲室廬。日月行住坐臥得自由。不爲朱門。是不作白屋羞。有時騎鯨千里遊汗漫。有時蛤蜊遽食龜殼秋。彼昇元閣者。亟成而復壞。腸亦不能爲之斷。心亦不能爲之憂。

造物何足云。此身自贅疣。譽堯毀桀未必公。是非邱跖兩雀蟻與螻。日斜諸公急下山。我有斗酒歸去來。今相與勸酬。

大雪登越州城樓

北風吹雪天盡頭。蘇州未了來越州。越人夜乘剡溪舟。烏喙還念栖山不。吳人載酒登虎邱。窈窕萬舞雜清謳。迤邐茂苑來長洲。不願麋鹿蘇臺遊。我獨忍凍城上樓。欲擒元濟入蔡州。盛騎突出風颼颼。越人驚倒吳人愁。

望幸金陵

建鄴水太勝。武昌魚有味。江東雲不比。渭北春天樹。春。天。門。峯。嶺。兩。岸。石。壁。立。石。頭。鍾。阜。龍。虎。東。西。分。稚。牛。醜。酒。家。家。准。擬。犒。三。軍。翠。華。不。來。冷。落。行。宮。門。泰。華。不。易。得。天。下。關。中。爲。本。根。懷。哉。金。陵。古。帝。藩。千。船。泊。兮。萬。馬。屯。西。湖。真。水。真。山。好。吾。君。亦。豈。忘。中。原。

臚舟采石

我昔南逝武昌夏口之山川。赤壁弔古齊安邊。又嘗北抵鶴唳風聲地。八公山前望淝水。誰令織舟牛渚磯。樓船蔽江憶當時。周郎未戰曹瞞走。謝安一笑符堅危。黃雲如屯夜月白。箭痕刀痕滿枯骨。健兒飯飽飲馬來。意氣猶雄歌尙烈。只今采石還戍兵。諸將奄奄泉下入。飯囊盛飯酒甕酒。位去三衙稱好手。

龍洲集卷二

七言古詩

題潤州多景樓

金山焦山相對起。挹盡東流大江水。一樓坐斷水中央。收拾淮南數千里。西風把酒閒來遊。木葉漸脫人間秋。烟塵茫茫路渺渺。神京不見雙淚流。君不見王勃才名今蓋世。當時未遇庸人爾。琴書落魄豫章城。滕王閣中悲帝子。又不見李白才思真天然。時人未省爲譎僊。一朝放浪金陵去。鳳凰臺上望長安。我今四海行將遍。東歷蘇杭西漢沔。第一江山最上頭。天下無人獨登覽。樓高思遠愁緒多。樓乎樓乎奈汝何。安得李白與王勃。名與此樓長突兀。

清溪閣次胡仲方韻

瓊樹新枝梅蕊迸。與君攜手清溪勝。舊時狎客歌舞場。何似詩人風雪逕。溪邊傑閣高峻層。左右華屋連飛甍。依稀王謝鳴珂里。髣髴秦箏雲母屏。古來繁華各衰歇。只有不磨掛壁月。小船何處載愁來。哀怨一聲吹笛裂。

呈陳總領

旄頭攬槍銳衝擊。殺氣隆隆半天黑。千家悲哀萬家哭。唐鄧征魂招不得。北斗移杓向西指。八月風高塞
塵起。大軍忠義赴襄陽。飛鳥潛魚未知死。黎黔股憂痛無策。願得空中降韓白。嗚呼何代無奇才。世間未
有黃金臺。

太宗造唐剗隋亂。仁義結民過炎漢。胡雖負恩逆天紀。忠義回天四方起。嗟哉主將失紀律。百萬秦人半
爲鬼。浮雲改變異今古。不謂前車眼中覩。當時潼關說哥舒。今日襄陽說皇甫。

先生文章擅經緯。戰法淵源如孔子。當時艇獠沸溪洞。一掃蠻風淨如水。胸中氣壓萬人將。億萬貔貅資
餽餉。漢家火德接天統。秘計奇謀堪任相。願公飛章告天子。胡疾如風走如鬼。

商渠渡河河可憑。精衛填海海可平。物情大忌不量力。立志亦復嘉專精。憶昨痛哭麗正門。白袍黑帽如
游魂。中書堂留草茅疏。不賜誅戮光宗恩。暮年志氣耻凋喪。廣長場中弔名將。願持上方三寸鐵。細剖赤
心告今上。

今上聰明過堯湯。師王忠純如魏王。君王戮力殄仇虜。六月戈甲飛冰霜。泗州已復漢正朔。議餽寢廟修
洛陽。草茅蟻虻百無用。山林豈復中原夢。敬須洗眼候河清。讀公渚水中興頌。

憶鄂渚

我離鄂渚已十年。吳兒越女空華鮮。不如上游古形勢。四十餘萬兵籌邊。中原地與荆襄近。烈士烈兮猛
士猛。澤連雲夢寒打圍。城接武昌曉排陣。書生豈無一策奇。叩闥擊鼓天不知。卻思仙人白玉笛。胡床醉

倚南樓吹貂蟬。莞鬢兩岑。寂若邪溪傍。還作客。空餘黃鶴舊題詩。醉筆顛狂驚李白。

寄竹隱先生孫應時時爲常熟宰

蘇州酒滴如眞珠。公能醉之酒百壺。得閑政恐不來耳。來則倒隄相與俱。江山遶樓詩句好。奔走萬變同馳驅。大書小草各有態。雷霆震耀鶯花姝。當其半醉尙醒在。宛若處女未嫁夫。盃行到手湖海竭。翻覆雲雨來須臾。羲之屈使坐北面。命騷如役僕與奴。角巾斜飄鬢毛出。筆墨顛倒衫袖烏。回旋左右如有礙。歸路不記長鬚扶。賓儕指摘士竊笑。亦有好事描爲圖。或云先生鬱於用。浮沉欲以酒自娛。實非能飲姑好客。不時斗酒由人須。若余乃是眞飲者。糟邱日日鄉無何。雖然人亦難意料。未可目以爲酒徒。相逢擺略邊幅盡。曾次開轄無城郭。斂藏窮達付之酒。不以禮法自束拘。情歸一眞與無僞。滑稽玩世爲通儒。飲與不飲無不可。醉醒醒醉同一區。癡人之前莫說夢。夢中說夢愈闊迂。客來輒飲飲輒醉。此其所以爲竹湖。不然他人豈無酒。欲去此脚自懶趨。計公之客日百數。結束冠帶紛坐隅。欲言喉牙物如梗。中懷腹非外示。愚不如鄙性好誠實。退無所議進不諛。歐公自愛曼卿放。昌黎亦喜劉義羸。滿城風雨重陽近。黃花籬落金英敷。山高凜風吹客倒。公樓雖小主者殊。狂當相就取一醉。有酒飲我無酒酌。此郎雖狂亦可喜。我去俗子嗜當呼。世無人兮亦已久。公不容我誰容乎。

明州觀大閱

書生燈牕因毛錐。說着刀劍何時持。忽聞殷殷金鼓震。驚起塊坐筋骸衰。國朝右武重秋獮。列郡敢不張

其威萬家駢首遮道看。我亦役逐人後隨。武夫麤健陳整整。虎豹拏攫旌旗靡。人言吳兒盡脆弱。身髮文斷勇未知。不見拔山昔項羽。何必燕趙士始奇。軍容粲粲生光輝。悲風慘淡殺氣怒。對此忽作邊頭思。熊羆不諱曉爭出。萬騎馳突寒打圍。紛紛毛血腥原野。箭竹正墮驚鴻飛。將軍仰笑軍吏賀。金帛填委深溝池。十年文窮坐百拙。感慨一賦從軍詩。

嘉泰開樂日。殿巖涇原郭。季端邀戲鳳山。自來美堂而上湖亭。海觀梅坡石林。無不歷覽。最後登冲天樓下。介亭觀騎射胡舞賦詩而歸。

結束戰袍騎戰馬。冠軍將軍苑如畫。前呵小駐來美堂。箭去弓鳴飛鳥下。青林路轉入岩曉。湖亭海觀爭爲高。誰知鳳舞龍飛外。別有樓閣橫雲霄。回旋左右皆遊歷。人物江山兩英特。風流標致梅嶺梅。磊落曾襟石林石。側身更上天上行。好風吹下笑談聲。山神川后領要束。遁走虎豹藏蛟鯨。摩挲苔蘚題詩去。萬鼓叢中雜胡舞。衆賓捧酒壽主人。將軍自是擎天柱。看山看水時一來。錢塘吳越何小哉。指點中原百城在。功名逼人有機會。

古詩

涼生几硯窗未糊。秋風射入如相呼。床頭吳鉤作龍吼。便欲乘此搗穹廬。丈夫詩膽如斗大。摩挲笑與歌楚些。生平柔腸作鐵堅。挑盡寒燈擁襟坐。撞鐘打鼓天欲明。鴉未知曉雞先驚。夜來有雨不須問。聽取聽前蕉葉聲。老僧慣閒定較可。山色朦朧半煙鎖。玉簪委地怕禁持。消息雨中彈指過。前回十日得一晴。涼

山松檜如潑青癡雲冉冉自辟易半江滾滾金龍生桂花畢竟絡繹薄強出嬋娟懶梳掠正緣久不見雲生事半功倍掃蕭索人言快意難得時世間樂事須生悲轉頭潑墨天地黑依然雨脚如絲垂山翁豈識神龍志特地霖霖阻游意不知金鴨香篆長擁鼻猶可看文戲重重疊疊添青蒼誰謂濃翠遠叢篁草木過濕有香意衣籠篤褥篝籠湯峭巖萬丈苔斑駁日固甚佳雨不惡晴明晦冥俱可觀芻豢有時薦藜藿愛山之癡如愛詩或日或雨皆足奇君不見若把西湖比西子淡妝濃抹總相宜

上譙江州

邱公鎮金陵辛老治京口君王神武欲籌邊九江更使何人守九江太守今譙侯譙侯德量容九州詩書禮樂晉元帥意度閒遠和而謀清尊對客溫如玉同上庾樓望西嶽胡塵萬里氣壓之客有白頭何碌碌出門煙水空茫茫西爲漢沔南衡湘指點武昌在何許買船又謁吳侯去

觀三疊泉

五老峯北嵯峨巔龍泉三疊來自天只因開關便有此山雲蔽護經歲年一朝何事失肩鑰樵者得之人共傳欲往從之人憚遠險溪絕壑窮攀緣初疑雪崩湧天谷翻若雲奔下巖宿散爲飛風颺輕烟垂似銀絲貫珠玉隨風變態難盡名觀者洞臆心與目清寒侵袂心益爽清甘熨齒手屢掬我欲攬之作玉虹似開九丈錦屏風有若插碧金芙蓉笑騎揮斥凌太空窮源直到天河東

贈許從道之子祖孫

祖孫今年幾年齒。兩髻耿耿垂到耳。讀書要以六經先。次第漢唐十七史。老夫之見竊不然。別有一說爲舉似。方今孽闕日衰甚。河朔早暮風塵起。腐儒酸寒作何用。國家所欠奇偉士。丈夫立身兩字盡。臣子忠孝而已矣。吾觀汝相頭面闊。顏色麤厚黑而紫。汝翁七十鬢髮轉。汝父科第遲如此。與生生死盡文字。田官人村夫子。不如左彎右挾弓。肉食封侯差快耳。

郭帥遺蔭羹

書生窮無食肉相。老不能官猶鬪強。一杯紫蔭江西羹。萬戶封侯猶未當。主人幕下三千士。談王說霸如蠶起。日日椎鮮與擊肥。饜飮脰膾飽而已。此生只願喫此羹。坐看將軍勳業成。金山乞取一片山。要看澱澱兒拳短。窮人便是知田漢。

舟中

扁舟去門風怒惡。舟入深溪雪花落。我行無事有底忙。且向荻花深處着。隣船乞火包蛤蜊。尊中濁醪把一卮。陶陶萬事不復理。凍口且吐寒酸詩。

村墅

俗子有錢村亦樂。秋田米熟歌牛角。三家村墅無官方。夜半呼盧笑聲謔。尋思我輩不如君。平生讀書徒苦辛。遭時喪亂未得志。長策短藁無由伸。不如賣劍買牛去。也學此翁邨裏住。只愁夜半月明時。得意無人和詩句。

題一犂春雨圖後

阿耘無田食破硯。奉親日糴供朝飯。有田正恐拙把犂。何得更爲畫圖看。汝父名汝汝當知。有田無田未可期。有田不耕汝懶病。無田晝田眞晝餅。晝田之外乃晝牛。捕捉風影何時休。頭上安頭入詩軸。全家不應猶食粥。

龍洲集卷三

五言古詩

寄竹隱先生孫應時

竹湖人之英。劇縣勇自試。三年種桃李。遺愛及童稚。咸欲父母之。謂吾公之子。獨有督郵嫌。見謂不了事。瑕疵催科細。欲以三尺治。八月羈傲樓。半生糜隱市。小窗天日晴。灑落自胸次。抖擻舊塵埃。楮札左右置。寄傲點畫間。揮染當游戲。人賢世所希。嗜好人共貴。車馬鬧填門。載酒日紛至。大書極豪放。小草亦姿媚。斂藏經綸業。進此第一義。玉版抄歌時。石碑刻圖記。人家錦爲軸。高壁垂至地。襲藏較工拙。臨寫費同異。爭如老劉子。落魄一狂士。半生不讀書。頗能會其意。寒泉驥馬飲。平陵蛟龍起。得非久幽憤。於以發奇氣。政使鐘鼎疎。自足名一世。毛錐久見絕。一見尙能喜。酒邊袖予詩。不譽亦不忌。有時奪之去。箱篋餘故紙。如持將軍詔。屢博姑蘇醉。

同許從道遊涵碧

犯暑日午來。坐到日落歸。松桂叢團團。竹光淨輝輝。乳竇成濯纓。綠染身上衣。却傾所攜酒。對酌老石磯。幽鳥當歌者。薦以首山薇。斂藏大千界。游戲塵尾揮。寺門長安道。結束駟馬肥。醉鄉訪羶葷。屏風肉紅圍。

我亭不關鎖。何人款柴扉。掉臂樵檐行。藤蘿自烟霏。古所謂迂闊。若此二子稀。既非攜娉婷。又乏玉鞍飛。不知有何好。林泉少焉依。境勢更着語。鬼神暗呵譏。但知笑他人。不覺自己非。

湖學別蘇召叟

失學老無成。寧不心自歎。子卿生吾後。逸俊眼未見。委身入鑪錘。顧此金百鍊。有如頑鈍質。豈可使磨刻。看君說經旨。不異瓴水建。小詩雖有技。風味亦不淺。我途未易窮。本自安眠飯。俯仰道德光。耳目自濡染。涼風忽秋思。一夜窗紙颭。平生湖海夢。高興動淮沔。追思狂踪跡。失處不可掩。醉搥黃鶴樓。一擲賭百萬。只今覺衰甚。四海游已倦。所餘習氣在。未了一第欠。師友貴隆親。古學當自反。小夫事機械。心甚山川險。半生客吳粵。生死交情見。誰知塵土中。得君初識面。何時束裝來。草草衾裘辦。密邇戀誠軒。功名期歲晚。

答曹元章并序

曹元章以謹畏喜義。雅爲鄉里所重。縣官自令佐以來。皆敬之。疑若取友。必懇莊之士。乃如某者。實自放于禮法之外。元章既不以狂棄之。方且粉飾語言。以媚夫非議我者。惜乎相知而未深也。唐賀知章逆知開元末年之變。託意鑑湖一曲。以歸。落魄四明。自號狂客。至相率李白。劇談痛飲。呼爲謫仙。由今觀之。豈不甚怪。然黃冠錦袍。蹤棄爵祿。與夫炙手權門。推而不去者。其人品孰爲賢否。孔光張禹。皆大儒。平日托經自文。當王氏墓木未拱之秋。相與唯阿。無骨鯁臣子氣。自劉更生。死天下公論之口。皆箝而不敢肆。鼎祚陸沉。繫誰之罪。吾觀天下齷齪之士。滔滔皆是。後世必

有好予之狂者。則又系之以詩。其詞曰。

先生修廉隅。日日自謹畏。老夫寄盃酒。狂亦非所諱。酸鹹雖不同。各自有正味。切莫對癡人。說夢其詞費。

古意席上爲徐子宜侍郎賦

桃李多芳妍。開落如春風。托身關。天花不百日。紅殘月望朝。各自相西東。爲君整儀容。照水不照鏡。爲君進甘旨。君視肉有莖。悲歌欲感君。聲若君不聞。金玉徒結君。君看若浮雲。父母長歎息。謂兒好德容。脂澤固不妍。珠翠亦無色。娉婷豔陽春。自醜不自惜。君心河漢流。爲雨不復收。妾心東流水。赴海終不止。

懷古四首爲知己魏倅元長賦兼呈王永叔宗丞戴少望

言理不可求。吾將訊蒼蒼。桃李被笙歌。松柏遭摧傷。才高未爲福。名大或不祥。煌煌太史公。逸氣橫八方。瑞麟出非時。巷伯終見戕。晏嬰不可作。鮑叔遙相望。發憤著春秋。掩奪日月光。文章誠可傳。毀辱庸何傷。高高黃金臺。燕趙爭趨風。後來得荆卿。恩禮盡鞠躬。丈夫易感激。況在窮厄中。縞衣登素車。幽谷照已空。呂政當野死。燕丹無奇功。俠骨化爲鐵。血海變水紅。英憤氣不磨。今爲亘天虹。

天地有大經。聖賢實先覺。一身萬世則。激厲爲忠樸。周勃真少文。汲黯信無學。歸然社稷臣。漢脈終有托。微臣有揚雄。百拜美新作。男兒無英標。焉用讀書博。嗣宗黨司馬。徒爾舖其糟。叔夜屹玉山。落落崑崙高。神仙之可求。以下闕湯武非聖人。況識師與昭。一死繼結纓。孤竹爭清標。蕩陰一杯血。綵鳳無凡毛。

鷓鴣嗜腐鼠。竟絕終身交。

雨寒寄姜堯章

冬無此寒。十日不得出。閉門坐如釣。老去萬感入。治遊亦餘事。況乃燈火畢。獨憐鏡湖春。一一各秀發。枝條綴芳蕤。慘悴變倉卒。凡草何足云。誰弔梅柳屈。東城有佳士。詞筆最華逸。持此往問之。雨濺袍袴濕。蠻箋定送似。來時詩思澀。醉字作蛇鴉。行草倩蘇十。

謁郭馬帥

千金買駿馬。百城市蛾眉。長安酒家樓。揮灑驚人詩。天子不得臣。公卿氣吞之。俯視兒女輩。自詭男子奇。誰知金陵都。五年重來茲。黑貂日以敝。塵埃鬢成絲。故人風雨散。知己今爲誰。郭侯山西英。而有熊豹姿。巍峨西忠廟。喬木人所思。垂芳到雲初。大將奕世爲。兄弟各三衛。父子步武隨。萬戶侯冠軍。金印何疊疊。雖然平戎策。終鬱未得施。方今羣胡擾。似覺虜運衰。達韃軍其西。會以蒙國欺。蛇豕互吞噬。干戈極猖披。盜賊毛蝟起。斂民及刀錐。父老思漢官。壺漿徯王師。吾君自神武。妙算出籌帷。收攬天下才。尺寸不可遺。機會一日來。恢復此其時。況如郭侯者。禮賢正謙卑。使之會雲龍。列城歸指揮。安知古中原。不使同馳驅。過也久淪落。狂名諸公知。然亦壯心胆。志慕鞭四夸。脫靴奴將軍。舉扇障元規。有晉世不賞。詩酒聊自嬉。霜風忽無情。一夜吟徹肌。高臥百尺樓。閉門無晨炊。起視匣中劍。依舊光陸離。有恩或可報。一死所不辭。

海棠

步障蜀州錦。重重碧羅襦。嬌多不勝春。十五未嫁夫。我欲金屋之。貯以貢上都。窈窕飛世間。穠李待綠珠。

冶容致人疑。詎知非妖狐。雉扇開綠綺。君王麗華俱。後庭非無花。有寵爭得無。八姨淡手抹。試妝不施朱。不如玉環翠。睡起姿態殊。人言花傾國。況乃下蔡乎。

悲淮南

淮民窮到骨。忍復椎其肌。不知鐵錢禁。作俑者爲誰。行商斷來路。清野多流離。主人日邊來。四牡驅以馳。或云易之是。或云收之宜。幾人困往返。逐逐文書移。救焚卒無策。燎火久益滋。緬懷征權初。山海煮摘時。雖云便公家。亦復燒其私。今者縱虎狼。而使渴與飢。蕭蕭蘆葦林。日夜邊風吹。悲哉淮南民。持此將安之。

俞太古嘗叩闥上書有名天下予甚敬之相會於姑蘇將歸洞庭讀書賦詩以壯其行

人樹俱不堪。歲月駒隙過。老懷泪如洗。欲唱誰當和。洛陽今少年。弊事勞力破。精神經百鍊。鋒銳堅不挫。陶名茲惟舊。敲席快一坐。氣饑九霄虹。磊落萬玉貨。平生牀上下。樓輒讓子臥。諸公吮疽耳。不去良可唾。洞庭清風熟。肄業情勿惰。有詩寄來看。工拙吾能課。

九日鄂渚登高楚觀分韻得能字

一山如龍來。起伏力不勝。老夫跨其脊。半空欲飛騰。尙念同游人。一二東南朋。稅駕爲小留。木末朱欄凭。遠水天共闊。秋風響飢鷹。城郭千萬家。營壘相依憑。年年重陽節。高處盡可登。南樓與北榭。游覽昔所曾。插花楚觀上。醉舞僅所能。驚倒地上人。白日看上昇。

讀書

重尋讀書盟。筆硯已荆棘。只堪把鉏在。趁此尙有力。世途風波惡。躬履見險側。敢云賣文活。一錢知不直。思故人

朋從紛如雲。益覺索居甚。肺腸百憂集。午夜不安寢。長恐木石心。化作萋兮錦。日暮懷佳人。霜風悄寒凜。歸耕

途窮百無成。或許營菟裘。依然大槐宮。蟻穴夢封侯。人生眠飯耳。物外亦贅疣。科名付諸公。老矣吾歸休。自嘆

羣公列屋居。官貴輒鼎台。豔妝照珠翠。寒谷噓春回。書生窮蹇甚。一笑百禍胎。何時業債盡。面目還本來。贈鄉人周從龍談命

廬陵儒萬人。頗亦出青紫。老子三不歸。未省鄉里士。暮年罕交遊。僅識子周子。風流屬當行。豈止談天耳。夜從青樓飲。一醉幾欲死。

送程伯俞赴海陵蘇使君之招

紅裙簇雕筵。一醉當鯨吸。使君若問余。爲道貧徹骨。

龍洲集卷四

七言律詩

代壽韓平原

衣鉢登庸復舊氈。文王尙父趙平原。自從慶歷到今日。只說開禧初改元。朝闕東齋廣東閣。夜看南極照南園。九霞觴舉先旬浹。卻領千官壽帝垣。

際會風雲振古難。十年袖手且旁觀。要令隣敵尊裴度。必向東山起謝安。一品千齡靈壽杖。五公四世進賢冠。功成裂地封留了。卻趁赤松盟未寒。

疇昔張旃過相時。相人爭覩漢官儀。未能鑱刻燕然石。不忍摩挲畫錦碑。慷慨欲平千載恨。經營已歎十年遲。要令閱古詩篇偉。好讀車攻復古詩。

國付平章衆正開。凌烟錄盡到雲臺。駕鴻充序皆桃李。羔鴈成羣及草萊。強國斷無逾此策。隨車未必盡真才。更須妙幹垂綸手。看取靈鷲上手來。

宇宙之間物物春。咸疏曾不問陶鈞。裔分裴皞東西眷。誼篤嗣宗南北隣。中令諸孫難遍識。棲筠族子老堪親。試捐內舉拘攣跡。無異平原十九人。

壽建康太尉

萬里寒風一布袍。持將詩句謁英豪。正當武曲臨凡世。恰值驪龍出海濤。五馬盡投千歲鶴。六軍爭獻萬年桃。不因此日滄溟近。一釣那能得巨鰲。

慶周益公新府

潭潭新府列名卿。玉帶金魚喜氣橫。能廣萬間庇寒士。定容駟馬向高閭。午橋莊上江山秀。獨樂園中花草榮。纔作美哉輪奐頌。清臺又見相星明。

辭周益公

一曲歸歎浩浩歌。世間何地不風波。人從貧賤試者少。事向艱難省處多。紫塞將軍秋佩印。玉堂學士夜鳴珂。太平宰相不收拾。老死山林無奈何。

代上譙太尉

丁寧天語聽傳呼。叱咤雷霆壓萬夫。澤國使臨殊玉節。彤墀香近惹金爐。慶逢龍躍風雲閣。職有蟬聯父子俱。援手墜淵餘事爾。故人有子在泥塗。

謁易司諫

已死姦諛老蝨牛。非才詎可鎮西州。豺狼逐去羣狐懼。鷺鳥雖多一鶚秋。天下孤寒有生意。諸蕃元帥爲清修。太平更有當年事。未可廉纖只麼休。

十載長安五往來，立談無語口慵開。懶看齷齪隨時士，誰是艱難濟世才。韋布豈無堪將相，廟堂未易賤蒿萊。上書欲謁平章去，光範門前肯自媒。

上金陵章侍郎

龍虎東西兩踞蟠，帝教彈壓此山川。風行魏蜀三分國，浪靜江淮萬里天。半面旌旗佳麗地，十州鼓角鬱葱邊。便當擊楫中流誓，莫使鞭爲祖逖先。
欲上雲霄虎豹關，失身一落市城間。經過魯肅指時廩，想像謝安遊處山。去國夢魂愁切切，感時淚滴血斑斑。少陵卻欲依嚴武，妻嫂輕人未敢還。

上袁文昌知平江

秀骨如仙孕武奪，故教手筆世宗師。隸分唐漢諸家字，句壓陳黃二子詩。茂苑雨晴花發處，洞庭霜重橘黃時。塵埃俗吏那能此，一段奇功自可知。
車馬城中早上忙，子城內裏看星郎。十州已茂園扉草，一炷初凝畫戟香。銅剖虎符新雨露，王持使節舊風霜。明年櫻筍成時候，不在烏臺即玉堂。
欲上姑蘇望虎邱，小邦寧有此風流。山川形勢今三輔，人物英雄古列侯。華屋鱗鱗冠蓋里，畫橋曲曲管絃樓。金陵蜀郡俱疏遠，除卻皇都第一州。
行盡淮南日日東，自攜隻影入吳淞。人生五馬方知貴，客老諸侯嘆未逢。適意秋風寧爲繪，驚心半夜忽

聞鐘十年無計離場屋。說着功名氣拂胸。
已辦行都欲去船。箇中因得少流連。長安在望空悲日。刺史誰知別有天。鼓吹後車喧水際。旌旗前騎簇花邊。書生不願懸金印。只覓揚州騎鶴錢。

寄李侍郎

未照玉堂金炬蓮。地官董正職尤專。常經要足邦中賦。勝算猶煩馬上鞭。黃閣少須持紫橐。黑頭早已繼青氈。方今講論肥民策。不數橫流地上錢。

謁淮西帥

家住徐州未卜還。歸心正在杳冥間。東遊吳會三千里。西入成都一萬山。解使愁腸能寸寸。空令淚眼已斑斑。此情不告英雄帥。說向兒曹總是閑。

謁金陵武帥李夷時叩殿帥爲易憲章求書碑

江南無此一雄藩。穩稱將軍小踞蟠。韜略世傳天下少。棣華鼎峙帥臣難。狂胡要使如灰滅。中國先須大器安。慘慘塵沙天欲雪。北風凜凜劍鉞寒。
搏虎屠龍雨未成。蕭然華髮一書生。狂踪潦倒初無定。老氣崢嶸自不平。借馬飽遊雲夢澤。歸舟小駐石頭城。磨崖已辦中興頌。洗眼西湖看北征。

寄湖州趙侍郎

桑柘村村烟樹濃。新秧刺水麥梳風。舟行蒼雪雙溪上。人在蘇杭兩郡中。鼓角聲相且暮。旌旗小隊間青紅。主人夙有神僊骨。合主水晶天上宮。

呈李漕

默禱神僊政隱憂。天心人意已周流。旱苗已槁七八月。甘雨如期十五州。風葉冷吹雲夢曉。水花新浸武昌秋。異時白粲輸官處。知有豐年萬斛收。塵埃破帽倦騎驢。一雨窮途快有餘。益盎自天傾屋瓦。龍蛇平地起堦渠。冷侵絺綌覺太甚。聲滿梧桐殊不疎。口業未償詩有債。夜深燈火小窗虛。

喜雨呈吳按察

使君人物舊烏臺。天聽雖高力挽回。湖水欲平江爲退。秋田未旱雨先來。雲隨黃鶴遊何許。風滿南樓亦快哉。涼意入秋清可畫。月巖知有桂花開。黃鶴山前雨乍過。城南草市樂如何。千金估客倡樓醉。一笛牧童牛背歌。江夏水生歸未得。武昌魚美價無多。棹船亦欲徜徉去。古井而今淡不波。

謁京口張守

未識諸人各已侯。一麾應此滯徐州。誰知安石恐未免。欲借寇君何可留。遺愛與山同北固。平生作計豈東周。上方已聽尙書履。聲在星辰最上頭。

危樓年少記登臨。老矣重來力不禁。風月欲談嫌許事。山川不險似人心。淡烟衰草鄉關遠。細雨黃花節序深。雖有小詩行樂處。世無知己爲誰吟。

上劉和州

戟外梅花角有聲。使君心與月華明。郡當采石今衝要。船在烏江罷戰爭。酒賤人家歌袴飲。地寬客子帶刀耕。太平宮府無公事。見說香凝燕寢兵。草樹荒寒脫葉枯。又尋短棹泛焦湖。場經古戰心欲折。客老諸侯飢更驅。去國寂寥從白眼。籌邊謀畫看洪儒。補詩來謁公應記。曾說襄陽側坐隅。

雪中呈顏使君

一冬所欠者雪耳。造物忽然如戲兒。清甚牧之江上郡。朗吟次仲館中詩。試燈夜靜疎梅落。賣劍村深小麥滋。多少使君調變意。風流只有化□知。陰陽舒慘剝那間。刺史天高見一班。人物眼中如水鑑。世情身外不冰山。滌除瑕垢與掩匿。彈壓風雲俱澀慳。羔酒帳金輸武將。煮茶蕭寺對僧閑。

喜雨寄徐東陽

和州昔有賢從事。今作東陽父母官。百里望風皆畏易。四郊得雨及時難。秋成有望米價減。水滿不爭民業安。詩事定多公事少。不妨閒寄故人看。

代謁江華曾百里

樞衣三十年前事。曾似諸生傍絳紗。一國所尊吾白下。雙鳧猶遠令江華。時來館學俱餘事。老去衣冠懷故家。共怪我們郊島外。狂生尙有一劉叉。鬢髮已皤非故我。依然破帽老騎驢。江南遊子斷腸句。漢殿逐臣流涕書。父祖松楸三世塚。弟兄桑梓百年居。狐邱未死歸心切。未有相如駟馬車。

代贈侯戎

江淮萬里以詩行。此老胸中有甲兵。何止據鞍猶矍鑠。試教落筆便縱橫。逢時有用真才出。知己不遭儒者輕。若見英雄今馬帥。爲言劉子尙狂生。

贈趙道卿

虬髯蝟鬚虎精神。大袖披披二尺巾。散盡貲財猶結客。略爲言語便驚人。斬蛟橋下懲前失。藏兔窟中甘後塵。朝士只今誰着眼。顛狂贏得且安身。

贈鄂渚李廣文

曾去征袍異主恩。青衫君已染塵痕。故人然諾千金重。刺史文章一代尊。楚澤地多增感慨。峽江天小易黃昏。要知後夜相思處。細雨青燈獨掩門。

贈陳時可

交遊半世已公卿。猶抱遺經對短檠。負米過於扛鼎重。選官難似上竿行。百年母子命相倚。一片忠忱誰爲明。烟火小樓風雨夜。歲寒特得話平生。

呈胡季解

老病顛狂藥不醫。癡豪罵坐欲何爲。前生縱使希真是。已死尙存忠簡知。顛倒六經鸚鵡舞。瀾翻一曲竹枝詞。雖然結轡王生僭。人以此賢張釋之。

簡李文

衰鬢蕭騷半欲絲。尙能隨隊作兒嬉。甚無殺意從人活。琴有仁聲卻自悲。落魄陳平歸漢日。中傷張祿入秦時。諸公莫作狂夫看。恐是英雄未可知。

陪趙丞飲東軒留題

冠蓋如雲許後陪。酒紅醫老上吾腮。轉旋舞影乾坤窄。搖撼歌聲風雨來。漁網撒池蓮葉老。龍涎薰坐桂花開。翠蛾捧勸同文字。商略西風更百杯。

龍洲集卷五

七言律詩

上張紫微真仙

真仙原是昔于湖。今在高樓何處居。霏玉不容陪偉論。撥灰猶爲作行書。雲霞縹緲來旌節。瓊玖玲瓏聞佩琚。幽顯殊途人世隔。冷風吹雨送回車。

送劉從周教授

鳳閣鸞臺次第留。此生何必爲身謀。工夫到易通三聖。潔白持身第一流。桑梓靜思如子少。萍蓬自歎此生浮。還鄉若有過從便。會盡人間只點頭。

送王東卿歸天台

枚數人才難倒指。有如公者又東歸。班行失土國輕重。道路不言心是非。載酒青山隨處飲。談詩玉麈爲誰揮。歸期趁得東風早。莫放梅花一片飛。

千岩萬壑天台路。一日分爲兩日程。事可語人酬對易。面無慙色去留輕。放開筆下閒風月。收斂胸中舊甲兵。世事看來忙不得。百年到手是功名。

送劉允叔還浙東

樹倒羣公尚不飛。先生於此獨知幾。殺身無益事成敗。閉口不言心是非。吳渚蓴鱸張翰去。鑑湖風月賀章歸。從教血染長安市。一舸清風眠釣磯。

送友人得館遊南康

匏犬從來速售難。依人高戴誤儒冠。江南又客諸侯去。梅子愁人四月寒。半世光陰旋蟻磨。百年舉子上魚竿。世間多少不平事。盍向廬山靜處看。

寄張都幹

林深葉密綠陰繁。荷漸生芽蒲有根。心事蹉跎過歲月。故人落窹共乾坤。舟行蓴菜水雲浦。路入楊梅烟雨村。何日叩門尋子去。一樽相對話黃昏。

寄郭德順

玉弟金昆共七人。典刑惟有此公存。一區未蓋楊雄宅。滿座嘗傾北海尊。人品細看真第一。詩篇遠寄不辭頻。筍輿歸路無人管。風雨瀟湘行暗村。

寄郭伯瞻

聖門力學錢公輔。盛世能書蔡伯喈。出處有時安義命。笑談無我見襟懷。桂花香滿山堂鬧。秋氣清連石洞偕。只好放教椽筆健。留將大字寫磨崖。

醉中寄王子林

我頭扶病醉岑岑。履歷糟丘歲月深。行路隨身惟一劍。對花買笑亦千金。離鄉老去天涯淚。上塚淒其寒食心。風雨閉門無客過。爐香銷盡夜沉沉。

寄呂英父

清時蕭散坐才疎。收拾窮愁却著書。詩筆有神通夢寐。丰標不俗更清癯。黃花細雨蠶江路。落日西風處士廬。抖擻塵埃舊時帽。不妨覓句倒騎驢。秋到家山冷不知。但驚風露入新詩。低頭欲拜無凍野。滿耳惟聞說項斯。骨骼昂藏雲鶴瘦。吟哦淒斷雪猿悲。文章已得真消息。三十科名未是遲。

寄潘文叔

不隨千騎入淮揚。夜渡關山却一航。臭味偶同貧更好。功名有志老何傷。自甘商皓來東閣。敢怨陳登臥上床。欲擊單于知力倦。歸來且理舊詩囊。

寄程鵬飛

往事遊邊憶少年。未嘗攜刺五侯門。春風躍馬漢南道。落日椎牛淮上村。科舉未爲暮年計。途窮不忍向人言。男兒慷慨頭當斷。未有人施可報恩。

襄陽雪中寄江西諸友

雨澀風慳夜向闌。粉花飄撲客衣單。功名有分平吳易。貧賤無聞訪戴難。懶逐銀盃行處馬。靜思玉鑑舞時鸞。詩成咫尺誰堪寄。常與邦人醉底看。

舟次富池寄九江諸公

既無文采又顛狂。五十餘年夢一場。錯認我爲林子晦。也教人喚賀知章。樽前鶴翅誰從舞。老去槐花尙自忙。船解酒醒人不見。長江萬里水茫茫。

南康邂逅江西吳運判

一節西來已駭傳。不堪歸去便湘川。舟行彭蠡輕文種。酒到潯陽醉樂天。臺諫久無公議論。朝廷新有驟除遷。臣心畢竟終憂國。不敢瞻烏涕泫然。

萬里西征一葉舟。誰憐天地此生浮。初征秋浦雁飛處。又泊江南霜葉洲。貧困盡從歸後見。雄豪半爲病來休。十年心事閒搔首。荻雨蘆花總是愁。

湖口邂逅張伯豐同行

萬里無人獨自行。得君逆旅爲東征。聯同騎馬相先後。共作詩詞迭唱賡。僕向洞庭和雪渡。船從湖口帶冰撐。明年袍綠荊州去。遇有西人好寄聲。

西湖別舍弟潤之

幾度歸程入夢間。秋鴻社燕兩爲難。西湖半夜風雨急。交泗一床心胆寒。落第我爲中酒味。鬪僑子亟先

儒酸臂弓秣馬長淮去莫笑狂夫老據鞍

張帥幹席上口占

海樹婆娑日出東。一年窮處已殘冬。春衫濕到西湖雨。魂夢覺來長樂鐘。梅蘂白英樓壓鳳。燈挑紅焰劍纏龍。便教分闔持麾去。未愜平時錦繡胸。

姑蘇送王武岡不值訪汪仲冕席上口占

嚴城夜出鼓寥寥。畫鶴三更不見踪。何必披雲尋樂廣。真成避雨識茅容。蘇花似雪玲瓏白。臘酒如春琥珀濃。若使世間無我輩。老夫何處不窮冬。

毛積夫席下口占

夜聽南牕金屈枝。水花涼果似秋時。人言愛酒陶元亮。坐有能詩無本師。顛倒六經鸚鵡舞。瀾翻一曲鷓鴣詞。同遊未可輕相笑。恐是長庚未可知。

放翁坐上

林霧霏霏曉意涼。野樵纔蕊已傳香。幸哉世事日相遠。怪底詩情老更狂。臘蟻三杯浮重碧。春膏一幅研輕黃。何如放浪形骸外。盡乞江湖作醉鄉。

次劉啓之韻

豪結交遊三十年。暮年識子海霜邊。江西析派詩同社。鴻寶傳家子已仙。無用白鬚甘我老。有才青眼望

誰憐。譬如飄泊。溢城下。篁竹蕭疎。無管絃。

次張昌化合溪新亭韻

不礙溪流水平。主人來處主鷗盟。兩峯呈秀出天造。雙澗同流到地清。尙憶經過曾對酒。欲來登覽恨無名。仙凡咫尺紅塵隔。草草題詩亦浪評。燕尾溪流上下分。中餘里許地翻平。林疎邑屋高低見。水漲舫船來往輕。老已仙誰傑作。詩人爲縣得重評。唐山見說雙溪館。今見雙溪亭又成。

次呂簿池亭韻

舉杯邀月到幽塘。月入波心碎夜光。倒影簾花翻翠色。飛梭錦段織紅芳。是中有客供千首。此外無塵染六郎。昨夕主人閒立久。一身風露帶天香。

次史良夫寄題雲岫

輕烟薄霧任渠行。幽壑深崖款我生。變化不知天地闊。斂藏只要日星明。肯同蒼狗移常熟。每爲鳴鳩放好晴。便趁風雷助滂霈。人間七筭不須驚。

長干寺用荆公韻

縈紆一徑試幽尋。花竹禪房未是深。野水不波清欲凍。崇岡有竹翠成陰。琵琶呢呢宛兒語。蘭麝温温和水沉。詩句欲追前輩後。誰呼粉黛汗清吟。

和都幹并柬允道

老子聲名舊白眉。客窗相款話心時。相猶忘我吾無法。骨已換仙君有詩。蓴菜羹香春冉冉。鹿遊臺上草離離。一樽弔古平章看。未羨君王郡牧麾。

和印監寺玉簪花

得得尋芳聽自由。名花先占八分秋。鸞鶻折股晚風冷。姑射遺簪勝地幽。霜葉皺痕羅扇薄。香苞破處雪衣柔。一瓶一鉢休岑寂。騎鶴腰錢豈易謀。

咏余商卿梔子花

香不求知色自然。朝來何許雪華鮮。如行佛國參知識。未嫁仙姿益淨娟。梅子已黃猶夜雨。客遊方倦作春眠。地卑山近征衣潤。不費薰爐一炷烟。

與青原正庵老

倦行老矣徧東南。最後青原識正庵。無法更求身外說。有禪應許意中參。春風遶寺雨華墜。石鼎烹茶泉味甘。暫脫塵囂聊稅駕。與君相對款清談。

簡能仁禮老

幻身到處等空虛。習氣依然未掃除。柏樹子邊尋祖意。旃檀林下伴僧居。三千世界初無礙。十二時辰得自如。牛糞火堆煨芋熟。時時拾得懶殘餘。

贈張道士

修廊行盡到山齋。中有高人百念灰。門外不知春出筍。池邊惟見地生苔。內丹久煉龍長在。大藥將成鶴屢來。想見年年朝玉帝。眉間一點淡黃開。

贈永嘉張相士

青城遊遍蜀中山。歸看公卿飽已諳。杰鶯稍能兒德祖。興亡何闕百曹參。諸公富貴紙上語。滿座風雷終日談。我似北人君記取。偶然留滯在東南。

贈術士

口性圓明俱是佛。四方落魄總成仙。逢人只可少說話。賣卜不須多覓錢。退一步行安樂法。道三箇好喜歡緣。老夫亦欲挑包去。若要相尋在酒邊。

夜思中原

中原邈邈路何長。文物衣冠天一方。獨有孤臣揮血淚。更無奇傑叫天閭。關河夜月冰霜重。宮殿春風草木荒。猶耿孤忠思報主。插天劍氣夜光芒。

龍洲集卷六

七言律詩

題鳳凰臺

公子飄然有俊才。此臺翻覺在塵埃。江淮浩渺洲渚沒。鳳鳥寂寥鴻雁來。時事不言惟拄笏。書生無用且啣盃。生平自厭胸中窄。萬里霜天一日開。

題池州一覽亭

塵土中無絕妙詞。不能重賦翠微詩。淋漓醉墨楊挺秀。恍惚悲吟杜牧之。巖壑尙多吾足倦。江山美信客歸遲。夕陽鴉點城門閉。堤上鞭垂萬柳絲。

題高遠亭

戍古城荒地勢雄。一亭分半庾樓東。廬山面目今真識。江漢朝宗此會同。司馬宅荒惟苦竹。元規塵遠尙西風。胡塵只隔淮河在。誰爲長驅一掃空。

賞心亭

何人將我此來遊。白鷺那知客有愁。如子矜持山玉立。似予迂闊水盤洲。塵襟抖擻風雲入。石刻摩娑歲

月流。惆悵。謫仙鸞。馭遠。離離別恨黯灘頭。

龔山長樓閣

柳徑參差小葉藍。不知世有府潭潭。楊雄宅就巢枝一。去病家寒繞樹三。從史諸公時爛熳。勸酬終日酒醺酣。出門萬里江邊去。塵滿征衫我甚慙。

南康天開圖畫樓

樓外烟波渺去鴻。樓頭虛阜翠摩空。故知造物鋪張巧。不費丹青點染工。赤壁江山橫夜月。輞川亭館臥秋風。祇今滿地無圖畫。盡在西灣杳靄中。

建鄴酒樓落成豫點燈

高樓百尺久摧頽。輪奐重新亦壯哉。徹夜笙歌催臘盡。聒天簫鼓挽春回。都人雜沓揮千鎰。我輩登臨謾一杯。京國繁華欣再覩。老來醉眼更堪開。

洞霄

杖藜乘輿到瓊宮。滿目幽奇景莫窮。山鎖九層雖極遠。洞庭五處自相通。侵雲天柱籠朝霧。傍水清陰弄晚風。可惜春禽啼曉月。又催行李過江東。

雲晴遊惠山

松杉如立密當門。長在山中管送迎。棲石草根留雪在。響塔簷溜滴春聲。籟□撥置君能到。碑刻摩娑眼

倍明欲作小詩無好句，只題年月記經行。

同郭殿帥遊鳳山寺探桃李

廉纖小雨久干梅，喜得新晴亦快哉。五色波光麗鷓鴣，十分雲氣近蓬萊。旌旗側畔宮牆轉，戈戟叢中武庫回。走馬看花生怕晚，果然桃李一山開。

同許從道登圓翠閣

清潭石洞游俱徧，最後來尋此閣遊。樹木滿林成蔭蔭，溪山圍縣恰周遭。結交有味貧何害，薄酒雖村飲亦豪。明日重陽吾未去，更于何處可登高。

遊窄粵山

倦游華髮老飄飄，意氣依然在九霄。努力尙能登窄粵，廢詩無可寄參寥。敲斜古寺雲爲屋，穩帖溪流石架橋。安得柳間桃李動，丹青吾欲畫生綃。

登白雲絕頂

雨罷新晴怯宿寒，一簾秋色滿闌干。欲窮大地三千界，須上高峯八百盤。累世避人秦婦子，一時驚客漢衣冠。塵寰元有清吟處，便作三山蓬島看。

登清涼臺寺

江南江北許多山，到處登臨得凭欄。老木漸丹霜有信，怒濤衝岸水生寒。倦游半世烏三匝，往事千年指

一彈落日正西催上馬。依依回首問長安。

又借韻小行

杖履尋詩問所由。一天草木葉知秋。天底雲淡村村好。雨過山深物物幽。斑駁巖頭苔蘚濕。鉤轉樹尾鳥聲柔。眼前不見市朝事。始笑從前利祿謀。

大麓道中

竹輿鴉軋曉烟收。蒼玉巖巉萬里秋。路轉羊腸回草徑。溪分燕尾遶沙洲。愛山有癖須還債。覓句無工是不休。晴得幾時尤更好。桂花蓓蕾作針頭。

登凌雲高處

攝衣更上一層樓。纔到層霄最上頭。方識乾坤真轉轂。好知身世付虛舟。九秋草木嵐烟濕。萬里山川海氣浮。更欲杖藜窮望眼。眼中何處認神州。

過泰和宮

林塘漠漠亂花飛。門掩蒼苔過客稀。蝴蝶與身俱是夢。杜鵑憐我幾時歸。徐行便當籃輿穩。清話何妨羽扇揮。四十九年蘧伯玉。此生畢竟是邪非。

過西興

奔濤洶湧欲騎鯨。船去錢塘棹子停。何日子胥鞭楚墓。傷時周顛泣新亭。蚊虻過耳蠻音恐。鰕蟹薰人海

氣腥。吳下阿蒙非昔日。眼高相對有誰青。

遊北墅

客裏浮沉又一年。春風北墅故依然。路邊花有香相引。澗下松無色可憐。仙鶴舞隨人擊筑。神鴉飛傍客歸船。何須故掃霜前葉。卻趁東風學曉煙。

呂氏山堂喜雨

涼滿蒲萄磊落枝。倦遊來此亦忘歸。溝渠水活龍蛇動。樹木月明烏鵲飛。欣減黃梁新米價。愁生白苧舊征衣。風流却扇團欒坐。一夜談兵玉麈揮。

雨作妨登山

莫笑林宗折角巾。雨師堅壁坐愁城。菰蒲乍冷橫烟淡。鷗鷺驚秋立水輕。山勢欲窮猶有路。溪流似斷又聞聲。好懷聊擬攜筇去。政愜農夫荷笠耕。暑風快處岸烏巾。去去扁舟遠帝城。過眼谿山含霧重。多情草木逗烟輕。琴書政要疏人事。禽鳥茫然聽履聲。莫恨滿天霖雨惡。雞臆好好筆爲耕。杖履飄然不整巾。緣何問得梵王城。淡烟翠濕千螺鏡。微日烟銷一縷輕。隔山鳥語如人語。觸處風聲若水聲。見說一犁今已足。笑歌蓬首餉夫耕。

掛塔松窩

十年南北走東西。豪氣崢嶸老不衰。快斬妖魔三尺劍。朗吟風月五言詩。山無福地吾焉往。神有靈丹世不知。却恐松窩知此意。一包掛塔更何疑。

鹽官權學

人生百世等歡悲。已判行藏任所之。筆硯重尋驚夢覺。課程聊復伴兒嬉。荒原傍海多閑趣。閉戶觀書有倦時。破帽塵埃今已矣。不妨更借蹇驢騎。

鹽官借沈氏屋

借宅西樓對短檠。一燈相對紙窗橫。煨爐火活蹲鴟熟。沸鼎茶香蚯蚓鳴。萬卷讀書空老大。諸生蓋世盡功名。依稀草木還鄉去。更向夜深聞雨聲。

入徽州

白傅庭前正解船。夢中忽已過番川。紅塵冉冉行天上。黃道駸駸近日邊。石洞欵谿俱可視。山肥徽路總堪田。把茅便欲僑居去。奈此功名未了緣。

寓公坊

秋風漸漸正吹涼。似報歸期未欲忙。尋路竹間深入寺。泊船沙外遠依庄。小槽壓酒珠紅滴。新飯炊粳雪白香。更聽夜來思遠浦。軍聲十萬似錢塘。

六合道中

十年曾此記來遊。有策中原一戰收。蒲柳易凋嫌勢去。金湯無用卒和休。悲風髣髴鳴刁斗。缺月參差照敵樓。廟食封侯何日事。不堪老馬又滌州。

醉中偶成

小院蒲萄月架東。舞腰忙越鼓聲雄。詩成綵筆分題後。人在金釵賭令中。秋葉冷吹風浩蕩。晚林烘透日玲瓏。腰間若佩滌州印。定有人呼作醉翁。

無錫道觀

門外紅塵市一塵。買瓜買李興悠然。樹根石透月灑落。殿閣屋多風折旋。賣墨道人勤置酒。能詩老子欲飛僊。蠲骸南面蛆蟲輩。鵬鷃逍遙各自天。

招義銘育王見佛照

豪傑書生勝散仙。小庵藏跡得安閒。禪會勘破諸公去。詩在推敲一字間。夜雨滴殘梧葉老。夕陽行處水花慳。買舟便欲乘風去。孤絕同遊海島山。

金陵雪中

風幻寒威夜撲人。曉看雲脚四垂陰。牧羝塞上功名淚。騎馬藍關竄逐心。冷面不春愁菟結。凍鬚如鐵恐蕭森。畫爐醉撥灰爲字。不爲閑思暖帳金。

對雪閑效樂天

匣中雷吼一長劍。溪上月明多少舟。無賊可平閒李口。有人不訪倦王猷。銀盃綉帶從渠便。瑤樹瓊林得自由。衣敝獨嫌灰絮料。簾高想見月垂鈎。

觀白鷺洲風濤

一聲雷鼓挾風威。頃刻衝濤沒釣磯。行客駭看銀漢落。陽侯驚起玉山飛。蛟龍便爾爭先化。鷗鷺茫然失所依。安得長竿入我手。翩然東海釣鰲歸。

偕陳調翁龍山買舟待夜潮發

來逢春雨長魚苗。去見秋風擘蟹螯。久矣歸心到鄉國。依然水宿伴漁舸。一天如許皆明月。二客所須惟濁醪。今夜四更潮有信。更須留眼看銀濤。

發舟

寶氣亭前首問途。清颺日日送蘼條。丹楓無處不愁客。白鷺有情如導吾。青竹閑垂任子釣。紫鱗時掣季鷹魚。烟波渺渺江天晚。水宿又聽溪鳥呼。

舟中偶作

日日拖舟上碧溪。寒灘水淺草離離。尺書雁斷歲行盡。五兩風輕帆去遲。白鷺導吾如有志。丹楓愁客亦何爲。關頭要趁梅花約。更着寬期五日程。

舟中

下水南風未覺難。我舟不動穩如山。東西日月尋常事。變化烟雲頃刻間。沙鳥似驚皆退避。林巒如畫亦渾閑。歸期只欲長安近。屈指何時到北關。

霜寒舟中

展轉牛衣冷不禁。著人無奈曉寒侵。由來十月清霜重。況乃荒村白露深。有客分金來橘社。何人塗血染楓林。不堪青女來料理。折盡衰翁一片心。

春日即事

久客無人問所須。小窗翻得逐癡愚。黃昏以後酒三盞。白日之間飯兩盂。穀雨筍茶俱俊美。條風杞菊競甘腴。先賢可謂長貧賤。況是平生山澤臞。出門雖是欠陶朱。便使關門亦可居。物價甚廉常食肉。傭資極省易抄書。已安樸社知無用。若比叢林似有餘。歸與未歸天上事。只消如此看何如。

幽居

對面滄浪可濯纓。不思泛舸出春城。浮沉粉社何人重。俯仰茅簷是事輕。玉蕊連屏寒徙倚。蒲萄上架月縱橫。江湖老矣無他願。只欲清陰便得成。

自述

扁舟送客出姑蘇。曉泊吳江夜雨餘。波浪稍平風力定。青黃相間橘林疎。匆忙亭館催行酒。草率盃盤旋

買魚與我壁間書。歲月無人爲作小王書。
精神凋耗鬢毛衰。劫火光中第幾回。無可奈何教老去。有時猛省忽愁來。師崇道學元非僞。客寄蘇州却
類歎。明日重陽又佳節。得錢且醉菊花盃。

自慙

一榻留人去便垂。自慙非友亦非師。初無伎倆惟貪酒。遇有工夫或賦詩。晒日棗林紅磊落。響風梧葉碧
參差。人家正做鱸魚膾。老子秋來却自悲。

下第

蕩蕩天門叫不應。起尋歸路歎南行。新亭未必非周顛。宣室終須召賈生。振海潮聲春洶湧。插天劍氣夜
崢嶸。傷心故國三千里。纔是餘杭第一程。

歲晚

手種疎梅已發妍。相從三過客中年。吾生豈得須如意。隨處何妨且信緣。風月心多時小醉。軒裳夢少且
閒眠。萬人海裏能如此。是自在禪并散仙。

龍洲集卷七

五言律詩

代上韓開府

位貌鈞樞等。元勳閎闕傳。九重新洗日。一柱獨擎天。戰守籌帷外。遷除化筆邊。衣冠圖盛事。不記幾貂蟬。

上周少保

游戲公孤了。歸來不愛名。昌黎前進士。司馬老先生。有節花宜晚。無波水自平。繫雲遮不得。南極益精明。早被儒冠誤。依稀老更侵。科名數行淚。岐路一生心。自哂亡猿木。誰憐躍冶金。使無鐘鼎志。何地可山林。

初伏闕上書得旨還鄉上楊守祕書

郡大廬陵古。分符得祕郎。息爭民珥筆。課最米連櫓。水隔蓬山遠。風疑畫戟香。少須官事了。歸去玉爲堂。百計歸無策。誰知禍有胎。江河周顛泣。城郭令威來。訪舊鬚俱白。過家心欲摧。故鄉非不好。不是錦衣回。

上范祕監

郡大當塗古。分符得少蓬。威如烏府在。令與繡衣同。鈴閣紉書外。花村賣劍中。少需撫摩意。來作玉堂翁。疇昔經行路。黃山更一過。天涯知己少。歲晚客愁多。路斷草生角。冰堅水不波。使君森畫戟。聞此盍如何。

寄周益公

猥賤詩難化。誰囂語不齊。長途難短堦。小雨易深泥。逐利如爭鹿。傷人類割雞。心雖懷益國。夢亦畏江關。

和大參相公

松深烟鎖選。月冷水明樓。日漲滄溟窄。山陰古木秋。琴書超物表。器宇識神遊。突兀東南壯。乾坤第一流。氣壓三千界。雲橫百尺樓。地靈絕興替。老木閱春秋。杖履逍遙處。琴書汗漫遊。利名空役役。回首愧禪流。山邃龍蟠窟。江昏蜃吐樓。撞鐘千百指。閱世八千秋。僧笑衣冠累。天容杖履遊。松梢清影碎。薄月帶沙流。

贈劉叔擬招山

不醉何勞飲。無詩底用吟。百年爲客老。一念愛鄉深。草路青原淚。烟波白鷺心。班超歸未得。想見舊家林。

送楊伯子

天下少奇士。況乎吾一州。逢人問姓字。知子有源流。蘭砌多黃口。蓬山半白頭。誠齋知未可。喚作小坡休。

送金陵胡撫幹

故家凋喪後。初識淡菴孫。玉樹明庭角。冰澌吐話言。荊州得上幕。楚壤帶中原。我欲附舟去。白魚朱橘繁。共醉百斛酒。千金一笑頃。寄情桃葉渡。弔古石頭城。戰守籌雄地。更番出戍兵。甕天留不住。圖略遂西征。

和子純韵

橋下水如箭。驚奔萬古號。溪毛翻碧帶。石蘚襯銀濤。天外千層秀。雲翻數尺高。垂垂與偏惡。蓬鬢爲詩搔。

都中留隨州李判官

幸自東南好。西歸未可忙。茶添橄欖味。酒借蛤蜊香。絕品宜春醉。新烹趁日長。倒囊煩厚載。歸遺北人嘗。

江頭送趙教卽席同賦

東州二三子。相送黃鶴磯。渭北烟樹合。江南春水肥。波寬魚意足。沙淺鳥痕微。我亦欲東去。斜風雨濕衣。

送許閣二兄歸岳陽

岳鄂舊游處。重來歲月更。聯翩識吾友。邂逅慰平生。風送故人遠。槐催舉子驚。扁舟更珍重。萬里莫留行。

九日寄陳君舉舍人

白髮江湖諳。青燈几席涼。病身幾千百。佳節又重陽。命也吾何奈。天乎孰可量。元龍樓百尺。猶得慰行藏。

除夜寄盧菊磻

見說盧夫子。詩成手自書。雪便金帳暖。雲蔭玉川居。椒葉儲名酒。萍蠶薦野蔬。夜寒禪牘鼻。應念馬相如。

寄桐廬程宰

路入嚴州去。桐廬得暫過。盤飧湯餅賤。機杼綺羅多。令尹哦詩治。居民酌酒歌。吏人公事少。門雀可張羅。

寄吳子雲

曾是仁軒客。飄零老更窮。棹船秋葉浦。策杖桂枝叢。往事多如夢。新詩不用工。草廬消得幾。不許臥隆中。

吳尉東開西亭

襲桂行香徑。朱欄稍轉西。水風颺石冷。雲月墮簷低。棋敗深杯罰。詩豪健筆題。舞忙釵鬢亂。更爲棒柔荑。
石板橋東閣。軒窗如此華。碧虛澄水鑒。紅影浸霜花。似串歌雲駐。如泥醉帽斜。但驚風露冷。飄落忘還家。
湖口幸任伯厚挹清亭

政笑行役倦。登臨心眼開。舒蘄千里見。蜀贛兩江來。老覺樹如此。涼生風快哉。主人方好客。不算酒杯。
題龔山長樓閣

愛客龔山長。能容日日過。栽培初種竹。愛護乍生荷。堂對青山短。門關白日多。細聽閒議論。不似我狂歌。
題禾川龍飛英疏榮閣

堂扁朱書字。何人可得之。三衙新統帥。六館老宗師。文武無窮意。江山不盡詩。親恩如可報。會有報君時。
題黃文叔燕堂

仕宦不愜意。有家胡不歸。林栖鳥反哺。梁語燕于飛。鷗鷺忘之久。貂蟬貴者希。但存慈母健。日日舞班衣。
着屋圖書裏。凶山樓觀重。葦添張翰思。橘當李侯封。湖水自平淡。花枝多冶容。興來詩已就。只可酒千鐘。
西湖次舍弟潤之韵

舊說西湖好。春來更一遊。林逋山際宅。蘇小水邊樓。行密柳堤闊。樹多花影稠。天堂從此去。真箇說杭州。
雨華臺次胡仲方韻

寒意濕烟草。浮生吹浪花。繞臺皆峻嶺。陳迹一飛霞。子醉詞吐鳳。吾狂字落鴉。兒童應笑客。風颭角巾斜。

酒樓

夜上青樓去。如迷洞府深。妓歌千調曲。客雜五方音。藕自玲瓏玉。柑黃磊落金。酣歌恣蕭散。無復越中吟。

登曠軒

去春曾與客。攜手過橋來。寺蔭松極美。塢深桃不開。紅塵萬里去。白首一年回。淨洗曠軒眼。雪天閒看梅。

鐵塔寺呈輕老

樹木有古意。軒窻多野情。斷岡城一帶。齊岸草叢生。醉骨風蟬蛻。病身沙鳥輕。惜無東野筆。琢句鬪僧清。

同曹元章遊新安寺

畏暑倦杯酌。修廊散步行。寺深藏古意。蟬老帶秋聲。去就諸緣薄。窮通一念輕。更尋水清處。爲我濯塵纓。

遊古山

信步作幽討。有菴如此深。佛燈明老屋。秋日淡疎林。栢樹祖師意。松楸老子心。十年棄墳墓。洒淚一悲吟。

題古山菴

薄醉來遊此。西風吹帽紗。倦鶉叢密樹。涼雨濕秋花。題壁人何在。哦詩句未嘉。一杯湯餅具。坐到日西斜。

題鴈洑東林寺

鴈汭泊船去。岸頭閒訪僧。故人留少駐。俗子見何曾。佛屋擎天柱。心光續命燈。任渠狂到死。吾老慢騰騰。

書高堂菴屋

菴上木已拱。山前水可陂。嶢嶢晦翁字。突兀大參碑。雲葉孤飛白。鳥羣反哺慈。傷心前輩盡。問道欲從誰。
聿追庵題壁

路轉羊腸曲。山藏蝸角深。樹多成蔭密。水少亦悲吟。露草重陽淚。風花寒食心。摩娑墓銘看。久立讀碑陰。
元宵偶書

落落東遊客。磨跣且過僧。有懷千不足。自顧百無能。舊日名城酒。他時夢境燈。放歌聲激烈。醉倒睡騰騰。
寓東陽

元帥東陽主。令君吾故人。可憐九華客。猶是一窮民。古老狂狷士。人間自在身。化工都不管。何地有陽春。
不學老無似。艱難卻飽諳。遠從陶靖節。來訪杜征南。意倒羹蓴適。貧猶食齋甘。惜無盧可臥。尙遶鵲枝三。

泊船吳江縣

草樹逕塘岸。人家半橘洲。煖寒尋酒去。覺懶罷詩休。逆境年年夢。勞身處處愁。天涯倦行客。明日又蘇州。
送客剡溪

送客山陰路。春風散馬蹄。縱觀神禹穴。深入子猷溪。嫩草綠於染。珍禽嬌已闕。去程千萬里。步步有雲梯。
闕景初進納。長安相值於西采石。話及家事因與對酌。

未有還家策。故鄉吾太和。龍洲沙石健。快閣水雲多。場屋科名累。江湖歲月磨。茅柴一杯酒。相對奈愁何。
方竹杖

鶴骨風前渡。龍姿雨後鮮。鋒稜四面峻。節操一生堅。荷蓀行隨適。看山倚最便。從教方有礙。終不效規圓。
挽拙菴楊居士

前輩晨星似。如公抑又希。榆邊遊已倦。菊徑晚方歸。聽雨兄同老。冲天子欲飛。傷心彈指頃。一夢故人非。
尚憶龍蟠國。城西作客時。有山皆載酒。無地不賡詩。風雨交遊散。江湖淚眼悲。百年心事在。只有鳳雛知。
挽蘇吏部

奕世徵文獻。逢時仕學優。愛遺邊郡在。官止外郎休。月黑新塋夜。溪橫舊隱秋。從遊老賓客。欲替二孤愁。

龍洲集卷八

七言絕句

上益公十絕爲壽

金烏

金翰振曉近天威。玉宇循環晝影遲。曾上大裘頭上看。暖然可愛是冬曦。

玉兔

雲淡星疎月有光。廣寒仙府歲偏長。多應自製延年藥。振古長同桂子香。

寶龜

納錫曾看上九江。又聞詹事奉儲王。巢成荷上規仙景。左顧溪中賜印章。

元鶴

緜山橋井與青田。驅策風雲友列僊。名號橫空心萬里。九臯聲動九重天。

壽鹿

年永曾聞葛稚川。玉京何處錦紋鮮。賞花應制嘉賓宴。小雅當爲第一篇。

丹桂

少壯東堂奏捷功。浮香僊籍繼家風。年年占得中元景。一顆冰輪照九穹。

影木

枝如華蓋聳瀛洲。永世香風在萼浮。時有羣仙來弭節。細聽鳴鳳碧枝頭。

古柏

冰條雪葉節高堅。臺憲風生凜凜然。可羨堪爲棟梁用。至唐千載尙三千。

佳菊

壽客尤宜在壽鄉。鈿花的皜傲新霜。更歌華壽今歸去。尙有淵明野趣香。

蒼松

東封已受大夫封。又入丁公吉夢中。祇道濟時作舟楫。茯神猶有濟人功。

代吳守與趙侯爲壽

地蟠江漢節巋然。勁氣扶輿幾倍年。白玉丹砂浩無數。夜光隨處見山川。
氣運由來有盛衰。循環久矣見天機。黃山雲散無塵滓。上將騰光入紫微。
虎頭燕頰足奇謀。玉帳兵形象水流。此去關河應不遠。上方擬築望英樓。
文偉當年記鄂城。崎嶇蜀道播英聲。何如衣錦粉榆社。臥護元戎十萬兵。

夜上南樓望玉京。將星光底壽星明。不須便即騎黃鶴。且爲皇家致太平。

呈徐侍郎兼寄辛幼安

當年今日誤承恩。自倚容華託至尊。門外遊絲難駐日。依然青草暗長門。狼臂將軍戰不休。當時部曲已封侯。夜深忽夢燕山月。猶幸君王晚更收。

官舍阻雨十日不能出闕成五絕呈徐判部

學弄筆頭兒戲事。風流眼底亦無之。汪孫已往周洪沒。本分作家今是誰。竹隱先生名滿世。自爲舉子已詩聲。春風若入五花判。莫遣紫薇紅藥驚。秋霜烈日生前操。流水行雲意外詩。未必中興四君子。於斯二者更兼之。潦倒傍門羞騎馬。倦遊老欲寄崑山。留將造請嚙嚙口。慷慨狂歌泉石間。世間別有人才任。臺閣招徠恐未多。半老江湖半巖穴。爲公一賦草廬歌。

呈稼軒

精神此老健於虎。紅頰白鬚雙眼青。未可瓢泉便歸去。要將九鼎重朝廷。閉門翹足觀山睡。松檜鬱然雲氣高。說夢向人應不信。碧油幢下有旌旄。書來賜以蘭溪酒。下視潘葑奴僕之。吾老尙能三百盞。一盃水不直吾詩。臥廬人昔如龍起。鼎足魏吳如等閑。若結梅花爲保社。林逋只合住孤山。

書生不願黃金印。十萬提兵去戰場。只欲稼軒一題品。春風俟骨死猶香。

投誠齋

省齋去國良齋老。不獨宣尼嘆乏才。試數諸公有名者。廬陵那得兩誠齋。
蓬萊東觀是亨衢。經國文章要鉅儒。頓着五花猶不判。卻於注易下工夫。
畫戟門邊春晝長。鼎新模範宿淮陽。吏人僂眼報公事。一辦濃薰班馬香。
智愚上下爾自異。尺寸不差公短長。畢竟昌黎仍舊好。何曾人說段文昌。
綾衾厭入承明直。卻把一麾江上來。雲氣隔天迷望眼。不堪花落幾宮槐。
夫子聲名號浙西。作成文字欲何爲。達人胸次元無翳。芥子須彌我獨知。
初政寰區望太平。黎民樂業喜更生。裴公用舍無輕重。天下從茲有重輕。

上吳居父

時乎無事清吟好。衛霍貪功未足奇。爭似一篇人膾炙。四方傳誦臥龍詩。
廟堂陶鑄人才盡。流落江淮老病身。尙踏槐花隨舉子。不知鄧禹是何人。

呈王山父

疎烟淡淡樹重重。略得西南有路通。鐘板不鳴山寺靜。閉門人在月明中。
辦得茅廬我便歸。玉堂何處有梅枝。歲寒老樹雖荒寂。會有臘殘春到時。

和危教授三絕

先生場屋文之虎。氣懾狐狸自不知。老去莫嫌官尙冷。灞橋風月要新詩。
天上羣仙臺望居。片宮未是辱泥塗。莫訝變化須臾事。一點一鎔金在爐。
行腳諸方履歷深。似禪和子寄叢林。試拈朝報一轉語。以道觀之無損心。

送胡仲方

略無一物將人意。更逐行軒去似飛。賸把清吟供惠送。聊將遠出當依歸。
鄭公句在貧何恨。劉毅家寒淚一揮。窮達莫言鄉義重。此行畢竟是耶非。

寄沈仲居

十年鉛髮鬢絲秋。獨抱成書四海遊。三國諸人應夢裏。一番公案又從頭。
萬死中原百戰爭。流芳遺臭各垂名。思量陳壽已饒舌。又費先生一管城。

寄張東之

見山堂上山如畫。二十年前曾客來。飛絮滿城歸不得。江南老卻賀方回。
紫騮借得將軍馬。垂柳西湖第一橋。欲傍酒家做寒食。腐儘何日有狐貂。

簡胡衛道

淮北山南幕府開。江淮誰念有遺才。出門萬里長安道。乞我於潛馭馬來。

結束弓刀鞍馬間。精神矍鑠我猶頑。衰衣博帶休相笑。前載頭巾金帽環。
過無錫見李元德祭酒

戀樹棲禽煖不飛。不知弓繳有危機。季膺若悟蓴鱸好。應悔江東不早歸。
高門拂日鳴珂里。吹竹彈絲煖響中。寂寞一區如此宅。世間卻有兩揚雄。
新變文章學未成。青雲無路致吾身。應逢墊角諸生笑。欲效林宗卻整巾。
贈經長老

菜肚老人禪已飽。愛人從叟作詩僧。客來無處着歡喜。一語不曾談葛藤。
題自然足軒

秋光萬斛潑疎簾。瘦玉蕭蕭拂畫簷。鶻尾爐中香篆冷。矮窗袖手對楞嚴。
翠竹無多第一奇。政憂喧聒俗人知。清風自足老僧用。只是窗前欠好詩。
有竹無生不費鋤。亭亭碧玉影耀耀。風師自是識人意。何用縱橫十萬夫。

題東林寺

爾自貪癡不肯閑。江南多少好青山。老夫爲不愛官職。買得狂名滿世間。

書越州能仁寺壁

流年轉眼一飛梭。如此頭顱奈老何。浪語落花春不著。竹籬帝處雨聲多。

書僧舍

綠楊染水濃如畫。天氣欲晴風自和。二月杏花猶未放。一春分外覺寒多。

西林菴

雪汁融融溪棹回。此山林竹亦佳哉。看殘未了槐巖在。笋蕨肥時又一來。

山末

山末踈紅尾尾霞。晚煙叢薄是人家。移船更喜吹香好。枸橘花開媚淺沙。

龍洲集卷九

七言絕句

遊清潭呂資益蟠谷十絕

清潭

一潭清淨水無泥。潭岸無泥石更奇。擬待月明垂釣去。前溪雨足怕龍歸。

蟠谷

逶迤路逐驚蛇去。轉盼不知身已高。雪積萬層山四合。碧油幢外有旌旄。

飲綠

野花紅白倚巖開。只可臨風自一盃。謹莫放教公子見。恐攜窈窕入籠來。

初秋

老子垂垂秋露下。九月空山天氣寒。黃花剩開且勿剪。留得一秋烟雨看。

罌羹

香不求知色正青。青于九畹見飄零。山中若有離騷伴。痛飲吾知勝獨醒。

漱玉

帝所森嚴寂不喧。九關虎豹守天門。何人奏事含風殿。日晏鳴珂下紫垣。

含暉

濕雲將雨逼溪東。石澗灘鳴水勢雄。忽作曉晴秋更好。月來林外透玲瓏。

香徑

一花帶蕊香氣滿。何況叢生樹兩行。風露益高秋雨足。請君來此撼琳琅。

谷庵

穹廡架屋石峻層。香火西風只一僧。日晚課經猶未了。閉門先點佛前燈。

碧蓮峯

前山崛起青蓮柔。色掃晴空如葉開。若擬空花猶未了。空中安得有峯來。

三登徑山而雨或曰龍王相迎予笑而戲以詩

細雨霏霏灑路塵。龍神有意訝嘉賓。世間小節成姑息。盡念熬煎烈骨人。

遊古仙巖

白蘋風裏步清秋。來作靈巖古洞遊。笑倚飛雲訪仙迹。夕陽無語伴人愁。

欲遊閣阜山

仙梯難上塵緣重。俗駕勒回山有靈。煙靄模糊雨昏黑。數峯疑在夢中青。

西湖

西湖湖上山如畫。二十年前曾客來。飛絮滿城歸未得。江南老卻賀方回。

湖上

五行撩我到錢塘。花底題詩句亦香。莫惜高吟三十韻。敢煩詩伯爲平章。

弋陽渡頭

車聲盡日滑黃泥。怕聽空桑叫竹雞。風雨不知春蚤晚。柳條搖綠半江垂。

初入平氏書院

雪屋彈琴泛作聲。寂無人語紙窗明。倦遊識破諸緣妄。已與梅花一處清。

湖口阻風

冒雪衝霜已十程。狂風乃敢厄吾行。無人說向江神道。莫待明年卻世情。

蘄州道中

如箭陰風劈面吹。雪花斜夾雨垂垂。胷中自有平戎策。路入蘄州冷不知。

自宣溪過早禾渡

雨後斜陽未見晴。曉看紅日報窗明。筍輿十里宣溪路。剗地濃雲腳裏行。

梅欲攙春菊送秋。早禾渡口晚煙收。風從灘上催船過。滾起寒沙一并流。

釣臺

百尺難量大丈夫。問他出處意何如。乾坤已付劉文叔。從此先生歸釣魚。

龔山長棲閣

不知此是何人宅。楊柳雖低屋卻高。見說圖書皆仗物。六經之外有離騷。

村店

林深路轉午雞啼。知有人家住隔溪。一塢鬧紅春欲動。酒帘正在杏花西。溪邊猶棹酒船回。冷水灣頭雨意開。一路有詩吟不穩。當初悔不共君來。

春日書事

薄雲籠日護初晴。沙岸潮來春水生。閒傍柳堤騎馬去。一鞭春色柳風輕。

春歸

百花開盡到酴醾。一片春心又欲歸。可恨東風留不得。謾教啼鳥怨斜暉。

和送牡丹韻

娉娉嫋嫋洛陽花。合在瑤池阿母家。乞與老人潭不愛。白髯相對麝烏紗。

萱草

不盡人間萬古愁。卻評萱草解忘憂。閒花若總關憔悴。誰信浮生更白頭。

梅花

人間不盡春來意。恰則一枝梅更疎。待得和羹幾時在。祇今風月上新除。香氣惱人休不得。荒林月裏夜相過。花應笑客有底急。客若不來花奈何。凍雲垂垂雪欲落。風澀雨慳如此寒。分折南枝與君看。老夫自要北枝看。高門拂日瓊爲樹。呼我不來那肯過。不知此花有何好。寒鄉日日用無何。寂無人語斷回程。日落未落孤山橫。平湖水闊何許去。傍竹松邊自好行。

雪

醉枕醒來夜未央。倦身展轉壓藜床。映窗色皎猶疑月。刮骨寒知不是霜。

喜雨

誰借長鞭策懶龍。黃梅水漲舳艫通。還知君子憂雨切。常在桑麻稼穡中。北方旱氣與兵連。猶恐淮州亦蔓延。數日下田新雨足。不應千里不同天。

聞杜宇

杜宇幾聲烟靄外。相思只在蜀山陰。閒愁不共花飛盡。贏得傷心一片心。

聞鶯

東風扶日上花枝。恰恰幽禽弄暖時。百轉忽驚春夢破。閒關石上話相思。

鴈

朝隨漢使到天涯。暮與江鷗宿浦沙。歲晚客途營一飽。稻粱多處卽爲家。萬重山水萬重雲。歲歲江南客此身。天末西風晚來急。數行飛下一汀蘋。

漁翁

短篷三尺寄煙波。短褐休休歲月過。江海不知戎馬事。酒酣搔首唱漁歌。

聽阮

絳蠟攢花夜氣橫。樽前更着許風情。卻將江上風濤手。來聽紗窗摘阮聲。

閒步

山徑無人鳥啄沙。杖藜閒看摘新茶。錦綉委地筍翻籜。黃玉滿林松帶花。

夢覺

夢回斜日轉花陰。時有黃鸝送好音。高臥草廬人不識。東風啼鳥獨知心。

感舊

羅結同心柳帶青。碧桃香裏記將迎。春風重到憑欄處。腸斷江樓不忍登。

龍洲集卷十

五言絕句

遊郭希呂石洞二十詠。缺其一

清曠

筍興呷啞來。路轉此歇腳。長風挾秋下。深意滿萬壑。

深秀

蒼髯萬松宮。窈窕一逕開。請回俗士駕。切莫呵殿來。

書院

力學如力耕。勤惰爾自知。便使書種多。會有歲稔時。

谷口

水流自何許。遠欲窮其源。石梯苔蘚層。微有屐齒痕。

月峽

兩崖限東西。裏有一帶天。老蟾更多事。駕月下潺湲。

桂壑

叢叢萬橫板。羅生雜松篁。不以巖穴幽。歲晚政自香。

小爛柯

游戲一彈棊。歲月駒隙過。不如兩忘機。石上跏趺坐。

傾月

去去山轉深。樹下益凄冷。時有月鳥飛。間碎梧桐影。

闕雲

仙官已降勅。雅有新遷除。乞爲此閣使。雲物屢卷舒。

高碧

小山碧嶢巖。直上與天齊。詩成欲磨崖。藤蘿費攀躋。

石井

銀床遶周遭。一規寒浸水。試敲拄杖看。恐觸蛟龍起。

壺天

逆溪隨水行。更上紫翠峯。朱欄忽飛閣。映帶烟霞重。

玉佩

借榻臥雲屋。敲枕子細聽。誤疑鳴珂聲。不知水冷冷。
飛雪

山前大雪飛。路自何處入。蒙茸六花亂。冷濺征衣濕。
笙鶴

木末俯清軒。獨立久延佇。何人騎鶴來。髣髴吹笙侶。
韜玉

至寶不自獻。韜藏亦英華。餘香被草木。秀擢幽巖花。
倚劍

石礪自磨礪。三嘆不用久。如去到人間。爲儂洗塵垢。
藥圃

古文不可賣。未覺賣藥非。侵晨荷鋤往。暮得芝朮歸。
玉泉

石礪沙汰盡。悠悠潭影斜。塵襟不忍濯。爲惜無玷瑕。